

आकाशवाणी

खबरां -----

1. राष्ट्रपति द्रौपदी मुर्मू होंरें अज्ज लुआंडा च अंगोला दे सांसदें गी संबोधित कीता ते आखेआ जे एह् उन्दे लेई इक बड़ी गै मानै आहली गल्ल ऐ।
2. बिहार विधानसभा चुनां दे दुए ते अखीरी गेड दे मतदान लेई तैयारियां मुकम्मल, कल 122 सीटें लेई वोट पोआए जाडन। 136 महिलाएं सने 1 ज्हार 302 मेदवारें दे सियासी भविक्ख दा होग फैसला।
3. केंद्री सहकारिता मंत्री अमित शाह होंरें नमीं दिल्ली च सहकारिता कुम्भ-2025 दा उद्घाटन कीता। सहकारिता बैंकें गी आखेआ जे ओह नौजोआनें ते समाज दे कमजोर तबकें दे सशक्तिकरण लेई कम्म करना।
4. केंद्री खजाना मंत्री निर्मला सीतारमण होंरें 2026-27 बरे दा बजट तैयार करने कोला पैहले आहले सलाह-सूत्र दी शुरूआत कीती।
5. जम्मू-कश्मीर पुलस नै हरियाणा पुलस कन्नै मिलियै फरीदाबाद च थेआर ते गोला-बरूद दा जखीरा बरामद कीता, मुख् आरोपी बी गिरफ्तार।
6. ते हॉकी च भारत नै एफ.आई.एच महिला जूनियर हॉकी विश्व कप लेई टीम दी घोशणा कीती, ज्योति सिंह गे रौहडन भारती टीम दी कप्तान।

<><><><><><>

Prez. Angola

राश्ट्रपति द्रौपदी मुर्मू होरें अज्ज लुआंडा च अंगोला दे सांसदें गी संबोधित कीता ते आखेआ जे एह उन्दे लेई इक बड़ी गै मानै आहली गल्ल ऐ। उनें अंगोला दे स्वतंत्रता संग्राम कोला लेइयै शांति ते लोक तंत्र तगर दे सफर दी सराहना कीती ते आखेआ जे दौनें देशें लेइ, 2025 इक महत्वै आहला बरा ऐ कीजे भारत ते अंगोला दे राजनयिक सरबंधें दे 40 बरे पूरे होने दे कन्नोकन्नी एह अंगोला दी सुतंत्रता दी स्वर्ण जयंती बी ऐ। राश्ट्रपति होरें कल आखेआ हा जे दुनिया दा सभनें शा बड्डा लोकतंत्र होने दे नाते भारत अंगोला कन्नै संसदीय सहयोग बधाना चाहंदा ऐ। उनें इब्बी आखेआ जे लोकतांत्रिक संस्थानें गी आपसी सहयोग कन्नै इक-दुए दे तजुबे कोला सिक्खना लोडचदा। राश्ट्रपति हुंदा अंगोला च रवा करदे भारती मूल दे लोकें ते प्रवासी भारतीयें कन्नै मिलने दा बी कार्जक्रम ऐ। कल द्रौपदी मुर्मू होरें अंगोला दे अपने हमरूतबा जोआओ लोरेको हुंदे कन्नै केई विषयें पर गल्लबात कीती ही। दौनें लीडरें आपूं च बक्ख-बक्ख क्षेत्रें च साथ-सहयोग बधाने पर सैहमति जताई ही। अंगोला दा दौरा मुकम्मल करियै द्रौपदी मुर्मू मंगलवारें वोत्सवाना लेई रवाना होई जाडन।



Bihar-Election

बिहार च कल विधानसभा चुनांस दे दुए ते अखीरी गेड दा मतदान होग जेदे तैहत 20 जिलें दे 122 विधानसभा क्षेत्रें च वोट पाए जाडन। निर्वाचन आयोग नै निष्पक्ष ते शांतिपूर्ण मतदान आस्तै सब्बै तैयारियां पूरी करी लैती दियां ना। इस गेड च भारत-नेपाल सीमा पर स्थित विधानसभा क्षेत्रें ते सीमांचल, मगध, शाहबाद, कोसी ते मिथिलांचल क्षेत्रें च मतदान होग। पूर्वी ते पच्छमी चंपारण, मधुबनी, सीतामढी, शिवहर, सुपौल, अररिया, किशनगंज, पुर्णिया, कटिहार, भागलपुर ते बांका च वोट पाए जाडन। गया, औरंगाबाद, जहानाबाद, अरवल, जमुई, नवादा, रोहतास ते कैमूर जिलें च बी कल मतदान होग। पुलिस महानिदेशक विनय कुमार होरें आखेआ ऐ जे सुरक्षा दी दृष्टि कन्नै नेपाल कन्नै लगदी सीमाएं ते उत्तर प्रदेश, पश्चिम बंगाल ते झारखंड कन्नै लगदी अंतर्राज्यी सीमाएं गी सील करी

दित्ता गेदा ऐ ते लगातार पुलस निगरानी कीती जा'रदी ऐ। मतदान बडुलै सत्त बजे शुरू होइयै शामी छह बजे तगर जारी रौहगा। सुरक्षा कारणें दे चलदे चैनपुर, गोविंदपुर, राजौरी, जमुई, सिकंदरा, चकई ते झाझा समेत सत्त विधानसभा क्षेत्रें च मतदान बडुलै थमां शामी पंज बजे तगर होग। इस गेड तैहत् 45 जहार थमां बद्द मतदान केंद्र बनाए गेदे न। इससै चाल्ली सब्बै 20एं जिला मुख्यालयें च बी नियंत्रण कक्ष स्थापित कीते गेदे न। महिला सशक्तिकरण गी बढ़ावा देने आस्तै 595 मतदान केंद्रें दा प्रबंधन पूरी चाल्ली महिला मतदानकर्मी करडन। 21 दिव्यांग मतदान केंद्रें दा संचालन दिव्यांगकर्मी करडन। विधानसभा चुनां दे दुए ते अखीरी गेड च 3 करोड 70 लक्ख थमां बद्द मतदाता 1 हजार 302 मेदवारें दे भाग्य दा फैसला करडन।

<><><><><><>

By-Polls

7 राज्यें ते केंद्र शासित प्रदेशें च फैली दिएं 8 विधानसभा सीटें पर कल उपचुनां होने जा'रदे न जिंदे च जम्मू-कश्मीर दियां नगरोंटा ते बडगाम, राजस्थान च अंता, झारखंड दी घाटशिला, तेलंगाना च जुबली, पंजाब दी तरनतारन, मिजोरम च डाम्पा ते ओडिशा दी नुआपाडा विधानसभा सीट शामिल न। इनें सभनें सीटें लेई वोटें दी गिनतरी बिहार विधानसभा चुनाएं दी वोटें दी गिनतरी आहले ध्याडे 14 नवम्बर गी होग।

<><><><><><>

Shah-Cooperative Banks

केंद्री गृह ते सहकारिता मंत्री अमित शाह होरें आखेआ जे शहरी सहकारी बैंकें गी महत्वाकांक्षी युवाएं ते समाज दे वंचित वर्गें गी सशक्त बनाने आस्ते अगगे आना लोडचदा। अज्ज नमीं दिल्ली च शैहरी सहकारी ऋण क्षेत्र पर इक्क अंतर्राष्ट्रीय सम्मेलन-सहकारी कुंभ 2025 दा उद्घाटन करदे होई श्री शाह होरें एह गल्ल आक्खी। उनें गलाया जे राष्ट्री शहरी सहकारी बैंक ते ऋण समितियां संघ ते शहरी

संगठनें गी नैतिक दिशा-निर्देश जारी करने लोडचदे जिंदे आधार पर प्रत्येक शहरी सहकारी बैंक अपने वित्तीय ढांचे गी नमां स्वरूप प्रदान करना। श्री शाह होरें आखेआ जे एहदा मकसद सहकारिता गी मज़बूत करने दे कन्नो-कन्नो समाज दे वंचित वर्गे दा उत्थान करना ऐ। गृह मंत्री होरें आखेआ जे 5 बरें दे अंदर दो लकख थमां बहू आबादी आहले प्रत्येक कस्बे च इक्क शहरी सहकारी बैंक स्थापित करने दा लक्ष्य होना लोडचदा। उनें गलाया जे त्रिभुवन सहकारी विश्वविद्यालय दी स्थापना युवा पीढ़ी गी सहकारिता कन्नै जोड़ने ते सहकारी क्षेत्र आसतै पेशेवर तैयारक रने दे मकसद कन्नै कीती गई ऐ। श्री शाह होरें आखेआ जे एहदे कन्नै इक नेही पीढ़ी तैयार होग जेड़ी 2047 तगर सहकारी क्षेत्र गी नमीं उंचाइए पर लेई जाग। केंद्री मंत्री होरें आखेआ जे भारत सरकार नै प्राथमिक कृषि ऋण समितियों-पैकसो आस्तै आदर्श उपनियम बनाए न ते इसी हर राज्य नै अपनाया ऐ। सहकारिता मंत्री होरें आखेआ जे डिजी-पे ते सहकार डिजिलोन ऐप छोटी शहरी सहकारी समितिएं गी बी डिजिटल भुगतान कन्नै जोड़ग। उनें आखेआ जे अज्ज इफको दे नैनो डीएपी ते यूरिया दा निर्यात ब्राज़ील, अमरीका, ओमान ते जॉर्डन समेत 40 थमां बहू देशें गी कीता जा'रदा ऐ।

<><><><><><>

Fin. Minister

केंद्री खजाना मंत्री निर्मला सीतारमण होरें अज्ज नमीं दिल्ली च औंदे केंद्री बजट 2026-27 लेई मुल्खे दे बड्डे-बड्डे अर्थ शास्त्रिएं कन्नै बजट पूर्व बैठक दी अध्यक्षता कीती। खजाना मंत्रालय आसेआ इक सोशल मीडिया पोस्ट पर दित्ती गेदी जानकारी मुजब बैठक च मंत्रालय दे आर्थिक मामलें विभाग दे सचिव, केंद्र सरकार दे मुख् आर्थिक सलाहकार ते आर्थिक मामलें विभाग दे बड्डे अधिकारी बी मजूद हे। अर्थ शास्त्रिएं कन्नै बजट कोला पैहले सलाह-सूत्र करने आहली एह बैठक बड्डुलै 10 बजे कोला लेइयै 12 बजे तोड़ी चली जेदे बाद दपैहरी 1 कोला 3 बजे तोड़ी मशहूर कृषि माहिरें ते करसान संगठनें कन्नै सलाह-सूत्र गितै बैठक सही गई।

<><><><><><>

Om-Birla

लोकसभा अध्यक्ष ओम बिरला होरें आखेआ ऐ जे पैहली दिसंबर थमां 19 दिसंबर तोड़ी चलने आह्ला संसद दा शीतकालीन सत्र विधायी कार्य, सरकारी नीतियें ते जन मुद्दें पर सार्थक ते व्यवस्थित चर्चा पर केंद्रित होग। कोहिमा च अज्ज दपैहरी 22में राष्ट्रमंडल संसदीय संघ सम्मेलन दे उद्घाटन कार्यक्रम शा बक्ख संवाददाताएं कन्नै गल्ल करदे होई श्री बिरला होरें संसद च अनुशासन ते मर्यादा बनाए रखने दे महत्व पर ज़ोर पाया। उनें संसद गी लोकतंत्र दा मंदिर दस्सेआ जित्थे संवाद ते रचनात्मक बैहस नागरिकें दी आकांक्षाएं गी प्रतिबिंबित करै ते राष्ट्री विकास च योगदान देन। 130में संविधान संशोधन विधेयक दा उल्लेख करदे होई बिरला होरें आखेआ जेइक संयुक्त संसदीय समिति दा गठन कीता गोआ ऐ जेड़ी इस मामले पर विचार करा'रदी ऐ। उनें सब्बै राजनीतिक दलें गी समिति दी चर्चाएं च सक्रिय रूप कन्नै हिस्सा लैने दा बी आग्रह कीता। श्री बिरला होरें शासन ते पारदर्शिता बदाने आस्तै संसद ते राज्य विधानमंडलें बश्कार बड़ा मता समन्वय दी जरूरता पर लौऽ पाई ते आखेआ जे ज्यादातर राज्य विधानसभाएं जनता आस्तै कार्यवाही गी होर मता सौक्खा बनाने आस्तै पैहले गै डिजिटल कार्यप्रणाली अपनाई लैती दी ऐ।

<><><><><><>

PM Bhutan Tour

प्रधानमंत्री नरेंद्र मोदी होर कल्लै थमां दऊं दिनें दी भूटान यात्रा पर जाडन। इस यात्रा दरान मोदी ते भूटान दे राजा जिग्मे खेसर नामग्याल वांगचुक इक ज्हार 20 मैगावाट दी 'पुनात्सांगदू-2 पनबिजली परियोजनां दा उद्घाटन करडन। भारत ते भूटान नै इस परियोजना गी सांझे तौरा पर विकसित कीता ऐ। प्रधानमंत्री होर भूटान दे चौथे राजा जिग्मे सिंगये वांगचुक हुंदी 70मीं जयंती दे सिलसिले च लगा'रदे इक समारोह च बी शामिल होडन ते भूटान दे प्रधानमंत्री शेरिंग तोबगे हुंदे नै मलाटी बी करडन। एह्दे अलावा अपने दौरे दरान मोदी हुंदा वैश्विक शांति प्रार्थना समारोह च हिस्सा लैने ते थिम्पू च ताशीछोदजोंग च पवित्र अवशेषें दी पूजा-अर्चना करने दा बी कार्यक्रम ऐ।

तकरीबन 3 टन विस्फोटक समग्री बी जब्त कीती गई ऐ। सरबंधत अधिकारिएं मूजब, एह बरामदगी, जंदी 19 अक्तूबर गी श्रीनगर दे बनपोरा नौगाम इलाके च केई थाहें पर जैशे-मोहम्मद दे पोस्टर सामने औने दे मद्देनज़र कीती गई जिंदे च पुलस ते सुरक्षाबलें गी धमकियां दित्तिआं गेदिआं हिआ। इस सरबंधे च नौगाम पुलस थाने च बक्ख-बक्ख दफाएं दे तैहत मामला दर्ज कीता गेआ ते उच्च-स्तरी जांच शुरु करी दित्ती गई ही।

<><><><><><>

Women-Hockey

भारत दी जूनियर महिला हॉकी टीम दी कप्तानी ज्योति सिंह दे हत्थे च गै रौहगा। एह गल्ल हॉकी इंडिया नै 25 नवंबर कोला 13 दिसंबर तोड़ी तोड़ी चिली दे सैनटिआगो च आयोजित होने आहले एफ.आई.एच महिला जूनियर हाकी विश्व कप लेई 20 मिम्बरी भारती टीम दी घोशणा करदे होई दस्सी। भारत गी इस प्रतियोगिता च पूल 'सी' च रक्खेआ गेआ ऐ। इस पूल च जर्मनी, आयरलैंड ते नामीबिया दियां टीमां बी शामिल ना। एफ.आई.एच महिला जूनियर कप गितै टीम गी सिखलाई भारती कोच ते साबका हॉकी खडारी तुषार खांडकर देंगन।

<><><><><><>

Pak-Human Rights

विज्ञान ते टेकनालजी मंत्री डॉ. जितेंद्र सिंह होरें आखेआ ऐ कि बाओ टेकनालजी प्रयोगशालाएं च होने आहले अनुसंधान कोला अगड़े बधियै सेहत सेवाएं, राईबाई ते उपयोग जनेए क्षेत्रें च असल च समस्याएं दा हल प्रदान करन लगी पेदी ऐ। अज्ज नमीं दिल्ली च दुए जैव प्रौद्योगिकी अनुसंधान ते नवाचार परिषद-ब्रिक दे स्थापना दिवस समारोह गी संबोधित करदे होई उनें आखेआ जे भारत नै हून पाकिस्तान मानवाधिकार आयोग नै खैबर पखतूनख्वा च बिगडदे सुरक्षा हालात पर चिंता प्रगट कीती ऐ। आयोग नै आखेआ ऐ कि सूबे च लोकें अंदर डर-त्राह, बेबसाही, अराजगता ते यक्कोतक्री आहली

स्थिति बनी गेदी ऐ ते लोक बडे मते परेशान न। आयोग नै अपनी ताजा रिपोर्ट च आखेआ ऐ जे इस बरे पाकिस्तान च होए दे हमलें चा करीब 2 तिहाई खैबर पखतूनख्वा च होए न जिंदे च मुख तौरा पर सुरक्षाबलें ते कनून नाफज करने आह्लिएं एजेसिएं गी नशाना बनाया गेआ ऐ। आयोग दे मताबक प्रभावित समुदायें दी गवाही मनमानी हिरासत ते कार्रवाई लोके अंदर बेबसी, लचारी ते निराशा गी दर्शादी ऐ। इनें मुद्दे ते मामलें दी कवरेज करने आह्ले पत्रकारें गी धमकिएं ते जानलेवा हमलें दा सामना करना पौंदा ऐ।

<><><><><><>